

სტრასბურგის ადამიანის უფლებათა ევროპული სასამართლოს მიერ

2011 წლის 15 დეკემბერს განხილული საქმეების მოკლე მიმოხილვა

• კონდრატიევი უკრაინის წინააღმდეგ – განაცხადი №5203/09

აპლიკანტი სერგეი კონდრატიევი უკრაინის მოქალაქეა, დაიბადა 1962 წელს და ამჟამად ხუთწლიან სასჯელს იხდის ნარკოტიკების მოხმარების გამო. იგი დაავადებულია ტუბერკულოზით და აწუხებს მუხლის ტრამვა, რომელიც ციხიდან გადაყვანისას მიიღო. განმცხადებელი ჩივის, რომ მას არაადაკევატურად მკურნალობდნენ პატიმრობის პერიოდში, რაც მისი აზრით წარმოადგენს კონვენციის მე-3 მუხლის დარღვევას. ამას გარდა იგი მიუთითებს კონვენციის მე-5 მუხლის I ნაწილის „ც“ ქვეპუნქტისა და ამავე მუხლის III ნაწილის დარღვევაზე მისი უკანონო პატიმრობის გამო, რომელიც ორ წელსა და ექვს თვეს გაგრძელდა.

სასამართლომ დაადგინა, რომ დაირღვა კონვენციის მე-3 მუხლი ტუბერკულოზის არაადეკვატური სამედიცინო მკურნალობის გამო, ხოლო მუხლის ტრამვასთან დაკავშირებით ჩატარებული მკურნალობის გამო არ მიიჩნია აღნიშნული მუხლი დარღვეულად. რაც შეეხება კონვენციის მე-5 მუხლის I და III ნაწილებს, სასამართლომ ორივე პუნქტი დარღვეულად ჩათვალია. სახელმწიფოს განმცხადებლის სასარგებლოდ დაეკისრა 10.000 ევროს გადახდა არამატერიალური ზიანის ასანაზღაურებლად.

• ოლეინიკოვა უკრაინის წინააღმდეგ – განაცხადი №38765/05

აპლიკანტი ვალენტინა ოლეინიკოვა უკრაინის მოქალაქეა, დაიბადა 1956 წელს და ცხოვრობს ხარკოვში (უკრაინა). საქმე ეხება მის განცხადებას იმის თაობაზე, რომ ხელისუფლების წარმომადგენლება ვერ ჩაატარეს ჯეროვანი გამოძიება მისი 19 წლის ვაჟის გარდაცვალების ფაქტზე, რომელიც 2002 წლის ივლისში მოხდა. განმცხადებლის ვაჟი მეგობრებთან ერთად კემპინგზე იყო წასული და იგი მოგვიანებით დამხრჩვალად იპოვეს ტბაში. ქალბატონი ოლეინიკოვა გამოთქვამს ეჭვს, რომ მისი ვაჟი მოკლეს და არ იჯერებს გამოძიების ოფიციალურ ვერსიას უბედური შემთხვევის თაობაზე. განმცხადებელი მიუთითებს, რომ დაირღვა კონვენციის მე-2 მუხლი.

სასამართლომ დაადგინა, რომ დაირღვა კონვენციის მე-2 მუხლი არაეფექტური გამოძიების გამო. სახელმწიფოს დაეკისრა 12.000 ევროს გადახდა განმცხადებლის სასარგებლოდ.

• ვენისოვი უკრაინის წინააღმდეგ – განაცხადი №30634.05

აპლიკანტი დიმიტრი ვენისოვი უკრაინის მოქალაქეა, დაიბადა 1968 წელს და ცხოვრობს სტარი კრიმში (უკრაინა). იგი პოლიციის ყოფილი ოფიცერია. 2005 წლის ივნისში ძალაუფლების გამამეტების ეჭვის საფუძველზე მას წაუყენეს ბრალდება და დააპატირეს. განმცხადებელი ჩივის უკანონოდ დაპატიმრებისა და პატიმრობის პირობების გამო.

სასამართლომ დაადგინა, რომ დაირღვა კონვენციის მე-3 მუხლი და მე-5 მუხლის I ნაწილი. სახელმწიფოს განმცხადებლის სასარგებლოდ დაეკისრა 6000 ევროს გადახდა არამატერიალური ზიანის ასანაზღაურებლად.

გაჭიანურებით განხილული საქმეები

- ბეგუში სლოვენის წინააღმდეგ – განაცხადი №25634/05
- ორლოვი უკრაინის წინააღმდეგ – განაცხადი №5842/05

ზემოსსენებული საქმეები ეხება აპლიკანტთა განაცხადებს მათი სამოქალაქო საქმეების გაჭიანურებით განხილვას.

სასამართლომ დაადგინა, რომ დარღვეულია კონვენციის მე-6 მუხლის I ნაწილი ორივე საქმეში.